



**XUNTA DE GALICIA**

CONSELLERÍA DE CULTURA, EDUCACIÓN  
E ORDENACIÓN UNIVERSITARIA  
Dirección Xeral de Educación,  
Formación Profesional e Innovación Educativa



# Proba para a obtención do título de bacharel para maiores de vinte anos

---

## Información xeral



## Índice

---

1.	Presentación.....	3
2.	Normativa.....	3
3.	Regulamento da Proba.....	3
3.1	Quen se pode presentar.....	3
3.2	Como é a proba.....	4
3.2.1	Primeiro exercicio: materias de Lingua Galega e Literatura I e II e materias xerais do bloque de materias troncais comúns a todas as modalidades.....	4
3.2.2	Segundo exercicio. Materias xerais do bloque de materias troncais propias de cada modalidade e itinerario elixidos e materias de opción do bloque de materias troncais.....	5
3.3	Como se cualifica.....	7
3.4	Superación da proba.....	7
3.5	Cando se convoca e celebra a Proba.....	7
3.6	Que estudos anteriores son validables para esta proba.....	8
3.7	Que valor teñen as cualificacións obtidas nesta proba.....	9
4.	Contidos da Proba.....	9
5.	Publicación dos resultados e reclamacións.....	9
6.	Información.....	10



## 1. Presentación

---

O título de bacharel dá acceso ás ensinanzas de formación profesional de grao superior e ás ensinanzas universitarias.

Para as persoas adultas, este título é un obxectivo importante desde o punto de vista da súa mellora e do seu perfeccionamento persoal, e tamén desde o punto de vista das posibilidades de conseguir un emprego mellor. Entre outras cousas, é condición indispensable para acceder a moitos postos de traballo convocados polas administracións públicas.

Aínda que existe en Galicia unha oferta ampla de ensinanzas presenciais, semipresenciais e a distancia a través das que as persoas adultas poden conseguir o título de bacharel, a proba é tamén un camiño que poden escoller moitas persoas para conseguir directamente o seu título.

A continuación, inclúese unha información básica sobre as características das probas, para servir de orientación a todas as persoas interesadas en presentarse a elas.

## 2. Normativa

---

- A proba para a obtención do título de bacharel está prevista na Lei Orgánica 2/2006, do 3 de maio, de Educación, no artigo 69.4.
- Na Comunidade Autónoma de Galicia, esta proba está regulada pola Orde do 22 de decembro de 2016, publicada no Diario Oficial de Galicia do 5 de xaneiro de 2017 pola que se modifica a Orde do 10 de febreiro de 2012, publicada no Diario Oficial de Galicia do 21 de febreiro de 2012.
- Anualmente publícase no DOG unha resolución que convoca a proba. A convocatoria de abril de 2019 está regulada pola Resolución publicada no mes xaneiro de 2019. Nela establécese que neste ano o período de inscrición abrangue entre o 25 de febreiro e o 11 de marzo de 2019. A proba celébrase o 26 de abril de 2019.

## 3. Regulamento da Proba

---

### 3.1 Quen se pode presentar

- Pódense presentar a esta proba todas as persoas que cumplan vinte anos ao longo do ano en que se celebre.
- Non se poderán presentar as persoas que estean matriculadas no bacharelato, por algunha das modalidades polas que se imparte (presencial, semipresencial ou telemática) ou que estivesen matriculadas nel o mesmo curso escolar de celebración da proba.



## 3.2 Como é a proba

- A proba organízase de xeito diferenciado segundo as distintas modalidades de bacharelato.
- A proba consta de dous exercicios, o primeiro deles dedicado ás materias de Lingua Galega e Literatura I e II e ás materias xerais do bloque de materias troncais comúns a todas as modalidades. O segundo exercicio comprenderá as materias xerais do bloque de materias troncais propias de cada modalidade e itinerario elixidos e as materias troncais de opción.
- Os contidos dos exercicios terán como referente os aspectos básicos do currículo recollido no Decreto 86/2015, do 25 de xuño, polo que se establece a ordenación e o currículo da educación secundaria obrigatoria e do bacharelato na Comunidade Autónoma de Galicia.

### 3.2.1 Primeiro exercicio: materias de Lingua Galega e Literatura I e II e materias xerais do bloque de materias troncais comúns a todas as modalidades.

O primeiro exercicio terá unha duración de cinco horas e trinta minutos. Nel valorarase a madurez intelectual e a formación xeral da persoa aspirante naquelas competencias que favorecen a aprendizaxe ao longo da vida. Será común para as diferentes modalidades e estrutúrase en catro partes:

#### 3.2.1.1 Primeira parte. Lingua galega e literatura

- Resposta a unha serie de cuestións nas que se valorarán as habilidades e destrezas de expresión e comprensión e as capacidades de reflexión sobre aspectos lingüísticos, de interpretación crítica de textos e de análise e recoñecemento das características textuais.
- Resposta a unha serie de cuestións sobre movementos literarios, obras e autores relevantes da literatura galega, nas que se valorarán as capacidades de comparación, interpretación e valoración crítica da persoa aspirante.



### **3.2.1.2 Segunda parte. Lingua castelá e literatura**

- Resposta a unha serie de cuestións nas que se valorarán as habilidades e destrezas de expresión e comprensión e as capacidades de reflexión sobre aspectos lingüísticos, de interpretación crítica de textos e de análise e recoñecemento das características textuais.
- Resposta a unha serie de cuestións sobre movementos literarios, obras e autores relevantes da literatura en lingua castelá, nas que se valorarán as capacidades de comparación, interpretación e valoración crítica da persoa aspirante.

### **3.2.1.3 Terceira parte. Lingua estranxeira: inglés ou francés**

Esta parte consta de dous exercicios:

1. A partir dun audio ou audios propostos, a persoa aspirante deberá demostrar as súas capacidades de comprensión oral na lingua obxecto de exame, que poderá ser inglés ou francés.
2. A partir dun texto ou textos propostos, a persoa aspirante deberá demostrar as súas capacidades de comprensión e expresión escritas na lingua obxecto de exame, que poderá ser inglés ou francés.

### **3.2.1.4 Cuarta parte. Exame combinado das materias de Filosofía e Historia de España.**

Exame combinado das materias de Filosofía (correspondente a 1º de Bacharelato) e Historia de España (correspondente a 2º de Bacharelato). A persoa aspirante responderá por escrito unha serie de cuestións relativas aos contidos das materias de Filosofía e Historia de España.

## **3.2.2 Segundo exercicio. Materias xerais do bloque de materias troncais propias de cada modalidade e itinerario elixidos e materias de opción do bloque de materias troncais.**

- O segundo exercicio será diferente para cada unha das modalidades e itinerarios elixidos e terá unha duración de catro horas.
- Versará sobre as materias xerais do bloque de materias troncais propias de cada modalidade e itinerario elixidos e as materias troncais de opción establecidas nos artigos 30.1 e 2 e 31.1 e 2 do Decreto 86/2015, do 25 de xuño, polo que se establece a ordenación e o currículo da educación secundaria obrigatoria e do bacharelato na Comunidade Autónoma de Galicia.
- Avaliará o logro dos obxectivos propios do bacharelato e a adquisición das destrezas básicas das materias da modalidade, como a comprensión de conceptos, o manexo da linguaxe científica, a resolución de problemas e a capacidade de analizar, relacionar e sintetizar.
- Este exercicio comprenderá tres partes.



### 3.2.2.1 Primeira parte: materias xerais do bloque de materias troncais propias da modalidade e itinerario elixidos.

A primeira parte estará dedicada a realizar os exames correspondentes ás materias xerais do bloque de materias troncais propias da modalidade e itinerario elixidos, isto e:

1. Matemáticas I e II na modalidade de Ciencias.
2. Latín I e II na modalidade Humanidades e Ciencias Sociais, itinerario de Humanidades.
3. Matemáticas Aplicadas ás Ciencias Sociais I e II na modalidade Humanidades e Ciencias Sociais, itinerario de Ciencias Sociais.

### 3.2.2.2 Segunda e terceira parte: outras catro materias de opción do bloque de materias troncais

Nestas partes da proba, a persoa aspirante realizará o exame doutras catro materias de opción do bloque de materias troncais da modalidade elixida, que escollerá de acordo coas opcións que se sinalan nos cadros seguintes:

MODALIDADE DE CIENCIAS	
Parte 1	Matemáticas (I e II)
Parte 2: unha destas tres opcións	Física e Química e Física
	Física e Química e Química
	Debuxo Técnico (I e II)
Parte 3: unha destas dúas opcións	Biología e Xeoloxía e Biología
	Biología e Xeoloxía e Xeoloxía

MODALIDADE DE HUMANIDADES E CIENCIAS SOCIAIS		
	ITINERARIO DE HUMANIDADES	ITINERARIO DE CIENCIAS SOCIAIS
Parte 1	Latín (I e II)	Matemáticas Aplicadas ás Ciencias Sociais (I e II)
Parte 2: unha destas tres opcións	Historia do Mundo Contemporáneo e Xeografía	
	Economía e Economía da Empresa	
	Grego (I e II)	
Parte 3: só esta opción	Literatura Universal e Historia da Filosofía	



### 3.3 Como se cualifica

- Para aprobar o primeiro exercicio deberanse obter 5 puntos na súa cualificación global e acadar unha puntuación mínima de 4 puntos en cada unha das súas partes.
- Para aprobar o segundo exercicio deberanse obter 5 puntos na súa cualificación global e acadar unha puntuación mínima de 4 puntos en cada unha das súas partes.
- A cualificación de cada unha das partes dos exercicios será numérica, entre un e dez, sen decimais.
- A nota do exercicio será a media aritmética das cualificacións obtidas en cada unha das partes.

### 3.4 Superación da proba

- A proba considerarase superada cando se superen os dous exercicios que a compoñen.
- A nota media de bacharelato daquelas persoas que superen a proba será a media aritmética das puntuacións dos dous exercicios.

### 3.5 Cando se convoca e celebra a Proba

- Anualmente, a Dirección Xeral de Educación, Formación Profesional e Innovación Educativa publica unha resolución na que se sinalan as datas e o lugar de celebración da proba. Para este ano 2018 o lugar de celebración da Proba será o IES San Clemente de Santiago de Compostela, rúa San Clemente s/n, teléfono 881867501
- A inscrición na proba pode realizarse nos seguintes centros:
  - Centro EPA Eduardo Pondal, A Coruña, rúa da Educación 3 2º andar, tfno 881 980903.
  - IES San Clemente, Santiago de Compostela, rúa San Clemente, teléfono 881867501.
  - Centro EPA Albeiros, Lugo, parque da Milagrosa, teléfono 982828106.
  - Centro EPA de Ourense, Ourense, rúa Álvarez de Sotomayor, 4, teléfono 988243834.
  - Centro EPA Río Lérez, Pontevedra, avenida de Bos Aires, 26, teléfono 886159421.
  - Centro EPA Barbés, Vigo, rúa Marqués de Valterra, 8, teléfono 886110976.
- Páxina web: <http://www.edu.xunta.gal/portal/ea/>



### 3.6 Que estudos anteriores son validables para esta proba

- As persoas que teñan superadas as materias de Lingua Galega e Literatura I e II, Lingua Castelá e Literatura I e II, Primeira Lingua Estranxeira I e II, Filosofía e Historia de España terán validado o primeiro exercicio. Neste caso, a cualificación do exercicio será a media das devanditas materias expresada con números enteiros, redondeada á unidade máis próxima e, en caso de equidistancia, á superior.
- As que teñan superadas as materias de Matemáticas I e II na modalidade de Ciencias, as materias Latín I e II ou Matemáticas Aplicadas ás Ciencias Sociais I e II na modalidade de Humanidades e Ciencias Sociais e as materias de Fundamentos da Arte I e II na modalidade de Artes, así como outras catro materias de opción do bloque de materias troncais (das que tres deben ser da modalidade e itinerario elixidos) terán validado o segundo exercicio. Neste caso, a cualificación do exercicio será a media das devanditas materias expresada con números enteiros, redondeada á unidade máis próxima e, en caso de equidistancia, á superior.
- As persoas que estean en posesión do título profesional de música ou danza terán validado o segundo exercicio sempre que teñan superada a materia xeral obrigatoria do bloque de materias troncais da modalidade e itinerario elixidos, isto é Matemáticas I mais II para a modalidade de Ciencias, as materias Latín I mais II ou Matemáticas Aplicadas ás Ciencias Sociais I mais II para a modalidade de Humanidades e Ciencias Sociais e as materias de Fundamentos da Arte I mais II para a modalidade de Artes
- As persoas que teñan superadas seis materias de modalidade do bacharelato regulado no Decreto 231/2002, do 6 de xuño, ou do bacharelato regulado no Decreto 275/1994, de 29 de xullo, terán validado o segundo exercicio, sempre e cando entre esas materias se atopen Matemáticas I mais II para a modalidade de Ciencias, as materias Latín I mais II ou Matemáticas Aplicadas ás Ciencias Sociais I mais II para a modalidade de Humanidades e Ciencias Sociais e as materias de Fundamentos da Arte I mais II para a modalidade de Artes. Cando exista un cambio de denominación das materias cursadas aplicaranse os cadros de correspondencias de materias incluídos no anexo da Orde EDU/2395/2009, do 9 de setembro (BOE do 12 de setembro), e no anexo da Orde ECD/462/2016, do 31 de marzo (BOE do 5 de abril). Nestes casos, a cualificación do exercicio será a media das devanditas materias expresada con números enteiros, redondeada á unidade máis próxima e, en caso de equidistancia, á superior.
- O alumnado que accedese directamente ao segundo de bacharelato por ter superados estudos equivalentes para efectos académicos ao primeiro de bacharelato e tivese superadas as materias Lingua Galega e Literatura II, Lingua Castelá e Literatura II, Primeira Lingua Estranxeira II e Historia de España terán validado o primeiro exercicio. Neste caso, a cualificación do exercicio será a media das devanditas materias expresada con números enteiros, redondeada á unidade máis próxima e, en caso de equidistancia, á superior. terá validado o primeiro exercicio.
- Cando alumnado referido no punto anterior tivese superadas no segundo curso de bacharelato a materia xeral do bloque de materias troncais propia e dúas materias de





opción do bloque de materias troncais da modalidade e itinerario elixidos terá validado o segundo exercicio. Neste caso, a cualificación do exercicio será a media das devanditas materias expresada con números enteiros, redondeada á unidade máis próxima e, en caso de equidistancia, á superior. terá validado o primeiro exercicio.

- O alumnado que validase o segundo exercicio, de materias xerais do bloque de materias troncais propias e materias de opción do bloque de materias troncais da modalidade e itinerario elixidos, por estar en posesión do título de música ou danza será proposto para a obtención do título de bacharel pola modalidade de Artes.

### 3.7 Que valor teñen as cualificacións obtidas nesta proba

- As persoas aspirantes que superen a proba serán propostos para a obtención do título de bacharel na modalidade correspondente ás materias das que realicen a proba ou na modalidade correspondente ás materias da modalidade validada.
- Todas as persoas que participen na proba e superen algún exercicio recibirán unha certificación dos resultados deste.
- No caso de non ter superada a proba, os candidatos manterán, para as sucesivas convocatorias, a cualificación do exercicio aprobado.

## 4. Contidos da Proba

---

Os contidos dos exercicios terán como referente os aspectos básicos do currículo recollido no Decreto 86/2015, do 25 de xuño, polo que se establece a ordenación e o currículo da educación secundaria obrigatoria e do bacharelato na Comunidade Autónoma de Galicia (DOG do 29 de xuño).

## 5. Publicación dos resultados e reclamacións

---

1. Logo de avaliada a proba o tribunal fará pública a lista provisional das persoas avaliadas coas cualificacións positivas, por exercicios, no taboleiro de anuncios do IES San Clemente de Santiago de Compostela. Así mesmo, esta lista será accesible no portal web da Consellería de Cultura, Educación e Ordenación Universitaria, no enderezo <http://www.edu.xunta.gal/portal/node/1238>.

2. En caso de discrepancia coa cualificación provisional a persoa aspirante poderá presentar, na secretaría do centro onde se celebrou a proba, unha reclamación por escrito dirixida á presidencia do tribunal nos tres días hábiles posteriores á publicación das cualificacións, explicando o motivo da reclamación.



3. Transcurrido o prazo de reclamacións, elevarase a definitiva a lista de cualificacións, que será publicada no taboleiro de anuncios do IES San Clemente de Santiago de Compostela e no portal web da Consellería de Cultura, Educación e Ordenación Universitaria, no enderezo <http://www.edu.xunta.gal/portal/node/1238>.

4. Contra a resolución do tribunal poderase interpoñer no prazo dun mes recurso de alzada ante a xefatura territorial correspondente da Consellería de Cultura, Educación e Ordenación Universitaria, que esgotará a vía administrativa.

## 6. Información

---

- Para maior información: Servizo de Xestión Económica e Educación de Persoas Adultas.
- Correo electrónico: [educadultos@edu.xunta.es](mailto:educadultos@edu.xunta.es)
- Teléfono 981 546549.